



# Krijumčarenje migranata s Kosova



Zatražen pritvor

U interesu istrage Tužilaštvo BiH u ovoj fazi neće objavljivati identitet osumnjičenih osoba

Nakon ispitivanja osumnjičenih, postupajući tužilac Posebnog odjela za organizirani kriminal, privredni kriminal i korupciju Tužilaštva BiH uputio je Sudu BiH prijedlog za određivanje mjere pritvora za sedam osoba osumnjičenih za krivično djelo organiziranje grupe ili udruženja za izvršenje krivičnog djela krijumčarenje migranata.

Pritvor se, između ostalog, predlaže zbog opasnosti da bi boravkom na slobodi mogli ometati istragu, prikriti dokaze ili vršiti utjecaj na svjedoke ili saučesnike, kao i opasnosti da

bi boravkom na slobodi mogli počiniti novo krivično djelo ili dovršiti započeto.

Polijski službenici **Državne agencije za istrage i zaštitu BiH (SIPA)** su u okviru akcije Albatros u utorak lišili slobode 16 osoba, a izvršen je pretraz na 14 lokacija u Kantonu Sarajevo, USK-u i TK-u.

Akcija je usmjerena prema osobama koje su osumnjičene da su vršile krijumčarenje iz BiH na područje Hrvatske pa dalje u zemlje EU, većeg broja državljana Srbije s područja Kosova.